

տեմբերի 28-ին աշխատանքից հեռացվում է Քրանսիացի փոքր թղթաշենը և ապա նոյեմբերին՝ մեծը:

Այնուհետև գործարանի ղեկավարութունը անցնում է առաջին հայ թղթագործ վարպետ Նիկողայոսին, որը սովորել էր պարսիկ թղթագործների մոտ և ճարպկորեն յուրացրել Քրանսիացի վարպետների հմտությունը: Սրա մասին 1777 թ. ծախսերի մատյանում արձանագրված է «յապրիլի 21. օրն ուրբաթ, նոր վարպետ Նիկողայոսն սկսաւ ծեծել զնիւթ թղթոյն բաշխիչ հտու երկու հազար դրան»: Մյուս աշակերտի՝ Մարգարի մասին հետագայում դրանցումներ չկան:

3. ԿԱՌՈՒՑՄԱՆ ԾԱԽՍԵՐ

Թղթաշինության երկու գործարանի կառուցման և կահավորման վրա ծախսված է մոտ 18000 դուռուշ՝ չհաշված վարպետների, բանվորների և այլոց աննդի վրա կատարված ծախսերը: Այս դուռուշը հսկայական մի գումար է, եթե նկատի ունենանք իր ժամանակի արժեքը: Ավելորդ չենք համարում՝ համեմատության համար բերել նույն թղթագործարանի ելքի մատյանի հետևյալ դրանցումները «Գոմեշ մի առի որում հտու 15 հազար դրան. (= 22 դուռուշ 20 փարա)»¹⁾ կամ Դաւիթ վարդապետն և թարջիման Ստեփանն զծխանքն իւրանց գողանալ հտուն ի յԱլիքուչակ զեօղն, որոց երեսն պարզ լինի. զինն է 90 դուռուշ. և կամ «Աշշի Դալուստին մէկ բոլոր տարվա տօնլուղն հտու ի լրանալ տարւոյն... 24 դուռուշ»:

Թղթաշինության գործարանի կառուցման և գործիքավորման համար աշխատել են.—

- ա) Քարհատներ 1235 մարդ օր, օրական՝ 20-25 փարա յով.
- բ) Սառատներ 279 մարդ օր, օրական՝ 12-15 փարա յով.
- գ) Դարբիններին արված է 1232 դուռուշ, օրավարձը՝ 25 փարա յով.
- դ) Մշակներ 4217 մարդ օր, օրական՝ 6 փարա յով.

ե) Որմնադիր բանվորներ («բանահ») 318 մարդ օր, օրական ստացել են 15 փարա, և այլն:

4. ԹՂԹԱԳՈՐԾԱՐԱՆՈՒՄ ՕԳՏԱԳՈՐԾՎԱԾ ԳՈՐԾԻՔՆԵՐ

Թղթագործարանի ծախսերի մատյանից երևում է, որ նրա գործիքները պատրաստվել են փայտից, քարից և զանազան մետաղներից:

ՓԱՅՏՅԱ ԳՈՐԾԻՔՆԵՐ.— Ամենից առաջ արժանի է ուշադրության փայտյա «մանկեանան» կամ մամլիչը. այս մամլիչը նման է հղել մինչև վերջին ժամանակներս Հայաստանի ձիթհանքերում օգտագործվող սեղմիչներին. նրա բաղկացուցիչ մասերն են ա) 12-15 մետր երկարությամբ հաստ զերաններ, որոնց թիվը կարող է լինել երկու կամ չորս բ) «արջ», գ) «պողոսիկ» (բուրդու), դ) «կախքար»:

Մանկյանան կամ մամլիչը կառուցված է հետևյալ ձևով.— զերանների մի ծայրը զեանից քառորդ մետր բարձրության վրա, տեղավորվում է պատի մեջ հատուկ պատրաստված անցքում, որը վերին կողմից բեռնված է մինչև 50 տոնն ծանրության քարերով, զերանների մյուս ծայրին ամրացվում է (վերին կողմից) «արջ» կոչվող կոճղը, որը մեջտեղում ունի մոտ երեք զեղիմետր երամագծով անցք առ և ակոսներով. այս անցքի մեջ տեղավորվում է նույն տրամագծի, զարձյալ առ և ակոսներով «պողոսիկը» (մոտ 5—6 մետր երկարությամբ զերան), պողոսիկի ներքին ծայրում ամրացված է մինչև մեկ տոնն ծանրության «կախքարը», որը ձևով նման է աղացի քարին:

Մանկյանան գործի զցելու համար պողոսիկը կախքարի հետ միասին պտտեցվում է ձախ և «արջի» օժանդակությամբ զերանները բարձրացնում են վերև. զերանների տակ՝ նրանց հիմքին մոտիկ, տեղավորվում է մամլվող նյութը և ապա պողոսիկն աջ պտտեցնելով, զերանները իջեցվում են մինչև այն աստիճան, որ նրանք հենվեն մամլվող նյութին. այնուհետև պողոսիկը կախքարի հետ միասին բարձրանում և կախվում է օդի մեջ և իր ամբողջ

¹⁾ Ծանոթ 40 փարան հավասար է մեկ դուռուշին: